

Morning Dogri (NSD) Bulletin

01-12-2025, 0900 AM

- संसद दा स्यालै आला इजलास अज्जै थमां शुरु होआ रदा ऐ। 19एं दिनें दे इजलास दौरान 13 बिल पेश कीते जागंन
- भारतीय वायुसेना नै श्रीलंका दे कोलम्बो हवाई अड्डे पर चक्रवाती तूफान “दित्वाह” कारण फसें दे 335 भारतीयें गी सुरक्षित बाहर कड्डी लेता ऐ।
- 26मां Hornbill महोत्सव अज्जै थमां नागालैंड दे किसामा हैरिटेज ग्रां च शुरु होआ रदा
- टैस्ला दे मुख्क कार्यकारी अधिकारी Elon Musk होरे H-1B वीजा दा बचाव करदे होई आखेया जे भारतीय कम्मगारें थमां अमरीकी अर्थबवस्था गी बड़ा मता फायदा पुज्जा ऐ।
- ते क्रिकेट च भारत ते दक्खन-अफ्रीका बश्कार खेड्डी जा करदी त्रंऊ इक दिने आले मैचें दी श्रृंखला दे रांची च खेड्डें गेदे पैहले मैच च भारत दी टीम नै दक्खन अफ्रीका गी 17 रन्जें कन्ने हराई दिता।

<><><><><><>

Winter Session

संसद दा स्यालै आला इजलास अज्जै थमां शुरु होआ रदा ऐ। साहडें संवाददाता नै खबर दिती ऐ जे इस इजलास दौरान 19एं दिनें च 15 बैठकां होगंन ते 13 बिल पेश कीते जागंन। एदे शा पैहले कल सरकार नै सब्भै पार्टियें दी इक मीटिंग कीती- तां जे संसद दे दौनें सदनें दी कारवाई सूचारु ढंगै कन्ने चलाई

जाई सकै। इस बैठक दी अध्यक्षता रक्षामंत्री राजनाथ सिंह होरें कीती जेदे च 36 राजनीतिक दलें दे 50 लीडरें हिस्सा लैता। मीटिंग मगरा पत्रकारें कन्नै गल्लबात करदे होई संसदीय मामले दे मंत्री किरण रिजिजू होरें आखेया जे सरकार नै सब्भै पार्टियें गी शील कालीन सत्र सुचारु ढंगे कन्नै चलने दी अपील कीती ऐ। उनें आखेया जे सरकार कुसा बी महत्वपूर्ण मसले पर चर्चा करने लेई त्यार ऐ।

<><><><><><>

RS Oath NC

अज्ज संसद दा स्याले आहला इजलास शुरू होआ करदा ऐ। जम्मू-कश्मीर थमां नमें चनोए दे त्रै सांसद अज्ज पैहली दिसंबर गी राज्यसभा च ओहदे ते राजदारी दी सगंध चुक्कडन। इ'नें त्र'ऊं सांसदें च शम्मी आंबराय, सज्जाद अहमद किचलू ते चौधरी मोहम्मद रमजान शामिल न, जिनेंगी उपराष्ट्रपति ते राज्यसभा दे चेयरमैन सी.पी राधाकृष्णन सगंध चुकाडन। राज्यसभा दे चुनावं च त्रै सीटां नेशनल कांफ्रेंस नै जितियां हियां जिसलै जे बीजेपी गी छड़ी इक्कै सीट पर जित हासल होई ही। बीजेपी दे सांसद सत शर्मा होर पैहले गे एह सगंध चुक्की चुके दे न।

<><><><><><>

Operation Sagar Bandhu

आप्रेशन सागर बंधू तैहत भारतीय वायुसेना नै श्रीलंका दे कोलम्बो हवाई अड्डे पर चक्रवाती तूफान "दित्वाह" कारण फसें दे 335 भारतीयें गी सुरक्षित बाहर

कड़डियै थिरुवंथपुरम पजाया ऐ। वायु सेना दे आई.एल 76 ते C130J हवाई जहाजे- जेड़े चक्रवाती तूफान कारण होई दी त्रासदी मगरा उत्थे राहत सामग्री पजान गेदे हे- वापसी च कोलम्बो फसे दे भारतीयें गी थिरुवंथपुरम पजाया। तिरुवंतपुरम पुज्जने पर ए NORKA Roots नै उनेंगी अपने घरे तोड़ी पजाने लेई बस सेवा दा इंतजाम कीते दा हा। रक्षामंत्रालय मुजब MI17V बनगी दे हैलीकाप्टरें ते विशेष बल गरुड़ गी श्रीलंका च बचाव कार्य लेई तैनाता कीता गेदा ऐ। भारतीय वायु सेना दी बचाव कारवाई अज्ज बी जारी रौहग।



Cyclone Ditwah

चक्रवाती तूफान “दित्वाह” हून मट्ठा होइयै गेहरे दबाव च तबदील होई गया ऐ ते फिलहाल कुड्डालोर कोला कोई 90 किलोमीट पूर्व च कराईकल कोला 130 किलोमीटर उत्तर पूर्व- पुदुचरी कोला 90 किलोमीटर पूर्व ते चेन्नेई कोला 140 किलोमीटर पूर्व च बने दा ऐ। एह तूफान किश गै घेंटे च दक्खन- पच्छमी बंगाल दी खाड़ी कोला 40 किलोमीटर ते उत्तरी तमिनाडू पुदुचेरी दे कंडे कोला 20 किलोमीटर दे छिंडे तगर पुज्जी सकदा ऐ। तूफान दी स्थिति पर नेइमी तक्क रखने लेई Dopler Weather Radar दी मदाद लैती जा रदी ऐ। चिन्नेई- कराईकल- पबंन ते थुथुकुडी बंदरगारें पर पोर्ट सिगनल चेतावनी नम्बर 3 जारी कीती गेदी ऐ।



Hornbill Festival

26मां Hornbill महोत्सव अज्जै थमां नागालैंड दे किसामा हैरिटेज ग्रां च शुरु होआ रदा ऐ। 10एं दिनें तोड़ी चलने आले इस महोत्सव च सब्भनें मुख-मुख नागा-समुदाय दे लोग किट्ठे होगंन ते अपनी जीवन शैली- संगीत- कला ते खान-पान दा प्रदर्शन करगंन। इक सैलसफा पैहलकदमी दे तौरा पर शुरु कीता गेदा ए महोत्सव अज्ज दुनिया दे सारे शा महत्वपूर्ण सांस्कृतिक उत्सवें चा इक मनेया जंदा ऐ।



Food Festival

ग्रामीण विकास सरबंधी मैहकमे दे केन्द्रीय मंत्री शिवराज सिंह चौहान होर अज्ज नमीं दिल्ली च सरस आजीविका अन्न महोत्सव 2025 दा उदघाटन करगंन। ग्रामीण विकास मंत्रालय नै जानकारी दिती ऐ जे इस महोत्सव च 25 राज्यें थमां 3 सौ लखपति दीदी ते महिला आम मदादी ग्रुप हिस्सा लै रदे न। इस महोत्सव च खान-पान सरबंधी कुल 62 स्टॉल लाए गेदे न।



Tesla -Elon Musk Viza

टैस्ला दे मुख कार्यकारी अधिकारी Elon Musk होरे H-1B वीजा दा बचाव करदे होई आखेया जे भारतीय कम्मगारें थमां अमरीकी अर्थबवस्था गी बड़ा मता फायदा पुज्जा ऐ। उनें ए टिप्पणी Zerodha दे सह-संस्थापक नीखिल कामत कन्नै इक पॉडकास्ट च गल्लबात दौरान कीती। मस्क होरें आखेया जे अमरीका गी भारत थमां औने आले उच्च महारत आले कम्मगारें दी पैहले समा बी बद्द लोड़ ऐ। उनें किश आउट सोर्सिंग कम्पनियें आसेया वीजा

प्रणाली दा दूर उपयोग करने दी गल्ल बी आखी। उनें आखेया जे अमरीका महेशा थमां भारत सवा औने आली प्रतिभा दा लाभार्थी रेया ऐ।

<><><><><><>

Budget Proposals

2026-27 बरे लेई बजट त्यार करने दे इक हिस्से दे तौर पर खजाना मैहकमा पैहली दिसम्बर थवां बजट प्रस्ताव पर चर्चा शुरु करोग। आकाशवाणी जम्मू संवाददाता दी रिपोर्ट मुजब प्रशासनिक सचिवें गी सूचित कीता गया ऐ जे 36 मैहकमे कन्नै एह चर्चा 16 दिसम्बर तगर जारी रोहग। इस दौरान 2025-26 आहले बजट पर चर्चा ते 2026-27 लेई बजट त्यार करने पर विचार-विमर्श होग। इस दौरान राजस्व खर्चे कन्नै प्रायोजित स्कीमें- PMDP ते दोआर सरबंधी चीजे पर बी ध्यान दिता जाग।

<><><><><><>

AIR-Foundation Day

आकाशवाणी जम्मू अज्ज अपनी स्थापना दी 78मीं बरे गंड मना करदा ऐ। अज्जै दे रोज 1947 च जम्मू दे रणबीर हायर सकेन्द्री स्कूल दे इक कमरे च रेडियो जम्मू दी शुरुआत होई ही। उसलै एहदा नां रेडियो कश्मीर जम्मू हा- इस मौके पर अज्जे बड्डलै साइडे 9बजे इक विशेष फोन- इन प्रोग्राम प्रसारित कीता जाग। श्रोताएं गी इस कार्यक्रम च फोन करियै अपने बचार, शुभकामनां ते बधाइयां सांझियां करने आस्तै आखेया गया ऐ। कार्यक्रम च शामिल होने लेई तुस इनें नम्बरें पर फोन करी सकदे ओ-0191 2563476, 0191- 2563473ते

0191-2563459.। इस कार्यक्रम दा मकसद आकाशवाणी जम्मू दी सुनहरी यात्रा दा जशन मनाना ते श्रोताएं दी हिस्सेदारी कन्नै इस ध्याड़े गी यादगार बनाना ऐ।



Cricket

जंदी राती रांची च खेइडे गेदे इक दिवसीय मैच च भारत नै दक्खन अफ्रीका गी 17 रन्जें कन्नै हराई दिता। त्रंऊ मैचे दी श्रृंखला दा एह पैहला मैच हा। साइडे 300 रन्जे दे लक्ष्य दा पिच्छा करदे होई दक्खन अफ्रीका दी टीम नुंजा अशारिया 2 ओवरें च 332 रन्जे पर आउट होई गई। विराट कोहली नै अपना 52मां इक दिवसीय शतक पूरा कीता ते 135 रन्ज बनाए। उनेंगी मैन ऑफ दा मैच कन्नै नवाजेया गया।



Geeta Jayanti

अज्ज गीता जयंति मनाई जा रदी ऐ। एह ध्याड़ा उस घड़ी दा चेता नोआंदा ऐ- जंदू भगवान कृष्ण होरें 5 जहार बरे कोला बी मता पैहले कुरुक्षेत्र दी लड़ाई दौरान अर्जुन गी गीता दा उपदेश दिता हा। गीता जयंति छड़ा इक धार्मिक अनुष्ठान दा ध्याड़ा नैई- सगुआं एह भगवान कृष्णा हुंदे आसेया दिते गेदे उस ज्ञान दा बी चेता नोआंदा ऐ- जेहदा महत्व अज्ज बी पूरी दुनिया च मसूस कीता जा रदा ऐ।

